

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

بالمائیلر اتحاد ایتیش ،

عثمانیلر سزده میدان شهامت قوشیکز !

« یریدون ان یطفوا نور الله بافواههم »
« ویا ای الله الا ان یم نوره ولو کره الکافرون . »
فرقان .

داها دون شانلی عثمانیلرک سیف حماسی آلتیده لرزه دار هراس
اولان بالقانک دربدر شماریقاری، بوکون کویا اتحاد ایدرک جهانی
شهامت وشجاعتی قارشوسنده واله براقان برملته، مایه اصلیه سی
خون حماسله نحر اولان بردولته میدان اوقومق جنته طوتولشیر !..
بلغارستانک تشویقیله صربستان، یونانستان، قره طاغ اتحاد
ایتیش، بالمائیلرک غنچه دار خاصه میزه لری اولان لوله لر، یایغاره لره
بوتون جهان انسانیته قارشو قرار اتحارلری مغرورانه اعلانه
یلتیشیر !

قادرلرک آرسلانلره میدان اوقومه سی آکدیران بوکورولتیلره
مقابل عثمانیلرک وقور ونجیب تحشدرلی، بیچاره لری بو هیاهای
سرمستی دن یقینه او یاندیره جقدر . احقر دوشونمورلرک نورالهی
نفسله سوندیر یله مز .

« سونری، سون ! دهی ویرمکه نور نامتناهی »
« نفسله قابل اطفامیدر چراغ الهی ؟ »

اسلامیتک تمثال اعتلاسی اولان هلال، قوزغونلرک حسیض
احتراسندن یک یوکسکدر .

خلیفه اردوسی، بوکیتی شان؛ سرسریلر ییغیندن، جوبانلر
درنکندن بیلارمی؟ کوکره مش آرسلانلر؛ قودورمش کلبلردن
هیچ چکینیرلری؟ !...

عصرلرجه سجده کاه موحدین اولان واسع برقطه نیک ابدیاً

نور توحیددن مهجور قلمه سنه رضای ربانی تعلق ایدرمی؟

هیچ شبهه یوق: اسلامیتک روی ارضده استناد کاه یکانه سی اولان
سلطنت عثمانیه ابدیاً پایدار اوله جقدر .

بالقان سرسریلری نه دولابلر چویرلرلرجه چویرسونلر، اونلرک
هرتورلو ملعتیلرینه رغماً دین مینک حارس ذی شوکتی اولان خلافت
اسلامیه نیک فروتایی کوندن کونه آرته جق، هلالک سایگاه شان وشکوهی
برکابن سعادت منقلب اوله جقدر .

بالقان خیایینلری نه یی بیلسونلرک مسلمانلر آرتق خواب غفلتدن
اویاندیلر . (انما المؤمنون اخوة) سری تجلی ایتدی . عثمانیلر یکدل
ویک جان اولدیلر . تهلکه وطنیه قارشوسنده فرقه مجادله لری اورتدن
قالقدی . وطن اولادلری بربرلرینه صارلدیلر، برنیا مشید حالی
آلدیلر . نورالهی اونلرک دماغلرینی قاپلایان کابوس جهالتی تدریجاً
طاغیتور، قیلرینه اتحاد، فکرلرینه اعتلا، روحلرینه حماس
حزمه لری ایشار ایدیور !...

شمدی بزم ایچون مهم اولان بر شی وار ایسه الحمدلله اورته ده
جهاد وار؛ بوکا شکر ایدلم؛ زیرا بزم حیاتمز، بزم سلامتمز،
استقبال مزه بوراده در . حضرت الله « ولا تلقوا بایدیکم الی التهلکة »
بیورمش، جمهور علما ومفسرین ده: « ای بترک الجهاد » دیه تفسیر
ایتیشلر، یعنی جهادی ترک ایدر سه کز کندیکزی تهلکه یه آتمش
اولورسکز . یک دوغری تفسیردر . کره ارضد موجود مسلمانلرک
کافه سی (عثمانلی مسلمانلر نه ماعدا) جهادی ترک ایتدکاری زماندن
اعتباراً انقراض واسارته محکوم اولمشلردر .

بوکون جهاد اعلان اولمیه سی تأمین حیات دیمکدر . بو بویه در .
بو بویه اولدیفی ده عموم اهل اسلام حس ایتیش اولدیفنده شبهه یوقدر،
اعلان حرب ده اولمیه دن دنیانک اک هجری کوشه لرند مسلمانلره
وارنجه تأثیر ایتدی، آمریقاندن کوکلیر کله جکی اخبار اولندی،
ممالک عثمانیه نیک هر طرفده آرسلان یا ریلری حدودلره قوشدیلر،
اعیان واشرافز کیسه حیتلری آجدیلر، درتیوز سنه دنبری سلاح
استعمال ایتهمش سیریا تانارلردن حتی اون سکز آدم کوکللی قید
اولنهرق حدوده قدر کتیدیلر . موسقوه دارالفنون صوک صنف
طلبه سندن بویوک برعائله منسوب عارف افندی کریمی، مکتبئی
ترک ایدرک اوردومزه التحاق ایتک نیتیه دارالحلافیه کلدی
و بوکون ده حدوده کیتک اوزردر .

روسیه دن ده بر چوق دارالفنون طلبه سی، هلال احمر
ایچون ده مخدرات اسلامیه دن موسقوه طب فا کولته سی طالبائی
کله جکی آبروجه استخبار اولمشلدر .

بونلر هپ حیاته شتاب دیمک اولوب، مسلمانلرک ده اوله ظن
اولدیفی کی قورو پاتیردیلره پایوج چیقارمایه جقلرینی کوستریور .

ینه شریعت ضراء مطهره منک تعلیماتی ایله بزم عدالتدن بشقه
برمسکمز یوقدر، بوکره ده دشمنارمزه قارشو احقاق حق ایتدکدن
صوکره ینه بزمه برابر خیانت ایتیه رک بر وطنده یاشامق استه بیلره
قرده نظریله باقار و حقوق مشروعه لرینه ده تمامیه رعایت ایدرز .
مع مافی جهاد ینه جهاددر . هر مؤمن موحد مالی، جانی فدا ایتمکدن
قطعیاً چکنمز . محاربه توسع ایتدکجه، جهادک فرضیتی بوتون مسلمانلره
تعمم ایدر .

شیمیدن نتیجه حربدن بحث ایتک عبث ایسه ده؛ نیتمز دوغری،
قلبمز خالص اولدقجه اللهک نصرتی بزمه در . جهاد بو جهاددر .
آرتق هیچ بر بهانه ایله بونک اوکنه دوریه مز . جهاد بو جهاددر .

عبدالرشید ابراهیم



آورو پانك شياريق، بالقانك دربدر سرسریلری بو حرکتلیله کندی
موجودیتلرینه خاتمه چکه جکدر .

آرتق عثمانلیلرک اوغرادقلری حقسز هجوملر، معروض قالدقلری
انصافسز معاملهلر غیره اللهه طوقونه حق بردرجه بی بولدی .

حق، آیقلر آلتده چکنه نیور، حقسزلق تقدیس ایدیلیور .
روی غبرانک بر معرکه ظلم و تجاوز اولمه سینه میدان ویریلیور . لواء
محدینک، کره ارضده وحدانیت صمدانیه نك یکانه بر تمثال معالی
نمسی اولان بومقدس سنجانک پارچالانمه سینه جالیشیلیور ...!

سفیللر ! آیه الله سزک ملوث اللریکنزله بیرتیلیرمی ؟ خالق کائنات،
بارکاه ربو بیتنه صغینه رق میدان و غایه آتیلان موحدینی مأیوس بیراقیرمی ؟
امانات مقدسه پیغمبرینک وارث و محافظی اولان سلطنت عثمانیه نك
محتشم اردولری، دربدرلر درنکندن ییلارلری ...!

سفیللر ! تیرمه ییکز. قارشو کزه دیکیلن بیکلرجه موحدینک
شمشیر حماستدن ملعون کله لریکنزی قورتارمق ایچون قاچه جق،
صاقلانه جق ده لیکلر آراییکز ! معرکه جهاده آتیلان عثمانلی دلاور-
لری قلباً، وجداناً مظهر غلبه اوله جقلرینه امیندرلر.

مجاهدین: (یومئذ یفرح المؤمنون بنصر الله ینصر من یشاء وهو
الغریز الحکیم) تبشیر یزدانیسنه مظهر اولدقلرینه قناعت ایتشلردر.
نه و نه، بو کون ارباب توحید و ایمان نصرت الهیه نك کندی
طرفلرنده تجلی ایده جکنه مطمئن بولونیورلر. بونک ایچون دیدار
ربانی به قوشار کی، نوشین بر انشراح قلبی ایله سهوینه سهوینه حربه،
معرکه جهاده آتیلیورلر. ای گروه شقا ! اتحاد کزله، اتفاق کزله
روم ایلی ده عثمانلی شوکتک، خلیفه دولتنک افولنی احضار ایده جک کزله می
قانعسکز !

بدلالر، بیلمیور میسکز، شمدی به قدر عثمانلیلرک شهادت نما
هجوملرندن آکلایه مدیکز می که جنود موحدین، الهلرینک (کم من فئه
قلیلة غلبت فئه کثیرة) نوید سبحانیسنه مظهر اولمشلردر.

اتفاق ایدیکز، اتحاد ایدیکز، نه یاپارسه کز یاییکز ! قارشو کزه
دیکله جک معظم بر کتله نك، محتشم بر اردونک، یا غازی، یا شهید
اولق آرزوی مؤمنانه سیله میدان معرکه یه آتیلان آرسلان یوره کلی
مجاهدینک صولتدن ینه قورتیله میه جقسکز ! لواء محمدی ینه تعالی
ایده جک ! عثمانلی اردوسی (وکان حناً علینا نصر المؤمنین) کلبانکیله
ینه کشور اعدایی باشند باشه استیلا ایده جک ! بکله ییکز ! یقینده :
« طوتار دنیایی هپ کلبانک کوس نصرت آوازی »

نه چابوق اونوتدیکز ! تاریخلریکنزی آچیکز . سز وقتیه ده
عثمانلیلره قارشو ینه اتحاد ایتشدیکز. بو اتحادک نتیجه سنی ینه سزه
تاریخلریکنز پک کوزل تصویر ایدر ...!

عثمانلیلرک بویوک پادشاهی سلطان مراد اول زماننده ایدی :
طبقی شمدیکی کی، اووقده، ایکی یوزلی بریلان چویرن بلغار

قرالی (سیسمان) بر طرفدن خاکپای سلطنته عرض عبودیت ایتدیکی
حالده دیگر طرفدن صربستان قرالی (لازاری) ایله عثمانلیلر علیه
خفی براتفاق عقد ایتشدی . اوزمانده، طبقی بو کونکی کی، دیگر
بردشمنله حرب ایتدی کمزدن جسارتیاب و له رق، عثمانلیلری روم
ایلی دن چیقارمق ایسته مشدیکز .

بز اوتاریخلرده روم ایلی یه یرلشمه مش ایدک . مع مافیله بویوک
پادشاهمزک امریله صدر اعظم علی پاشا قومانداسنده کوندریلن عثمانلی
دلاورلرینک چکا چاک تیغی شاشیرتمش، قعقه رماحی عقلکنزی
طاغیتتمش، معرکه و غای قاپلایان کردباد توسن مجاهدین کوزلریکنزی
کور ایتشدی. داها ایلك حمله ده آثار هزیمت کوسترمش، عثمانلیلرک
آسمانلر تیرمه تن غلغله تهلیل قارشوسنده دیکیش طوتده میه جگکنزی
آکلایه رق قراری فراره تبدیلدن باشقه بر چاره خلاص بوله مامشدیکز !
متفق اردولریکنز، شیرزیان هجومه معروض قالمش چقال سوریلری
کی، اولویه رق تارومار اولمش، بلغار قرالی (سیسمان) ۷۹۱
سنه سنده مجاهدین عثمانیه نك دست اسارتنه دوشمشدی .

متفقدلردن صرب قرالی لازاری ایسه آرادینی بلاسنی قوصوه
محراسنده بولمش، بر قهرمانک سیف مسلولیله عدم آباد فایه
یو وارلامشدی .

ملحمه جدالده نه قدر بی امان ایسه لر، عجزه واسرایه قارشو ده اودرجه
شفیق اولان عثمانلیلر، سزک کوککنزی قازییه جق، سزی صحنه
شئوندن بوس بوتون سیله جک بر قدرت و شوکتی حائر ایکن بوکا
تیزل ایتمه مش، ییلانی قوینلرنده بسله مکدن چکینه مشلردی ؟!
نانکورلر ! بر کره بو کون بلغارستانده، ص بستانده بولنان بد بخت
اسلاملره روا کوردیکنکز ظلملری، دناشتری کوستریکنز، بر کره ده
عثمانلیلرک جهانی تترتدکلری زمانلرد سزه قارشو کوسترمش اولدقلری
علو جناب و نجاتی پیش نظره آلکزده برشمه انصاف و حیا کز
وارسه اونانیکنز، یرله کچیکز !

بالقان سرسریلری ! اونوتمه مکنز ایجاب ایدن تاریخک بو صحیفه لرینی
در خاطر ایدیکز . روم ایلی ده هنوز تمامیه تأیید سلطنت ایتمه مش
اولدقلری بر دورده بیله متفق اردولریکنزی تار و مار ایدن مرادلرک،
یسلدیرملرک، فاتحلرک، سلیمانلرک قهرمان اولادلری بش آلتی عصر
صوکره بوقطعه بی سزه تسلیم ایدرلری ؟ عثمانلیلر باشند باشه اجدادلرینک
خون حماسه تریله صولاتمش اولان روم ایلی یی، هرطاش آلتده
بابالرینک بر خاطره شهادتی کیزله نن سسوکیلی وطنلرینک بو دلنشین
پارچه سنی بو کون سزک احتراصاتکزه ترک ایدرلری صانیورسکز !
بکله ییکز، تیرمه میسکز، قاچغه حاضر لانه ییکز ! پک کوزل
طانیدیدنک مرادلرک، فاتحلرک اولادلری دو کونه قوشارکی ینه میدان
و غایه کلیورلر .

قارشو کزده، سزک متفق اردولر کزه تقابل ایتمه قوشیورلر. مقدس

پیغمبر ذیشانمژک (الجنة تحت ظلال السیوف) تبشیرنی درخاطر
ایده رک میدان جهاده قوشیکز!

محترم مجاهدلر، بیلکیزکه جنته، دیدارخدایه آنجق قیلچلریکیزک
کولکه سی آلتدن یول بوله بیلجکسکیز!

روی ارضده مؤمنلر، بالای سهاده ملنکار موفقیاتیکیزی آلقشلامغه
مهیابولونیورلر! بونی دوشونه رک وطنک حدودلرینه، ثغور اسلامیه نک
محافظه سینه قوشیکز!

ای قهرمانلر هایدی حدوده! آرش ایلری! صوک قراریکیز
یا غازی، یا شهید! یا اولوم، یا وطن! اولسون!

«زینت خاک شهادت اولسون برتیغزن»

«شان عثمانی دلخواه اوزره اعلا یتهدن»

[ان الذین آمنوا وهاجروا وجاهدوا فی سبیل الله باموالهم وانفسهم
اعظم درجه عندالله واولئک هم الفائزون. یشهرهم ربهم برحمة منه
ورضوان وجات لهم فیها نعيم مقيم خالدين فیها ابدآ ان الله عنده
اجر عظیم.]
۳ تشرین اول ۱۳۲۸ مدالی: م. شمس الدین

ناموس غوغایی

تاریخمز، دقت ایله تدقیق ایدیلمیسه کوریلیرکه بوملت، ملت
عثمانیه تا بدایت تشککدن شوکونه کلنجیه قدر دائماً غوائل کونا کونه
معروض قالدی. فقط هپسندده او یله شاهانه مظفریاته، او یله شانلی
فتوحاته نائل اولدی؛ دشمنلری او یله برهزیمت کامله یه، او یله بر
رجعت قهقریه یه کرفتار ایتدی که عثمانلیق، عالمده، جساترجه،
شجاعته یه بالا اولدی، مستقنا اولدی. دکل یالکیز دشمنلرمز، حتی
بتون عالم دیدی که:

«عثمانلیرده بوقوت اسلامیه وار اولدجه اونلر دوریلز برقلعه
آهیندرلر، اونلرله حرب ایتک، - کندی تعبیرلرنجه - قره
حاولامقدن باشقه نتیجه ویره مز.»

هلاک صلیبه غالیته ییلدیرن بواعتراف مع التأسف عدولرمزی،
دائرة سکونه ارجاع ایدمندی. بلکه آنلرک قلبنده عثمانلیغه، بالخاصه
هلاله قارشى او یله کین، او یله غرض او یاندیردی که تسکین حرص
ایچون دائماً فرصته منتظر اولدیلر.

نه وقت که برکشمکش داخلی یه معروض قالدق، دها طوغریسی
نفاق ایله شقاق ایله خارجه قارشى ایفاسنه مجبور اولدیغمز وظیفه لرمرزی
اونوتدق؛ آن انتقامک ورودینه حکم ایدن دشمنلرمز بو سوکیلی
ومعزز وطنمزی چیکنه مکه، انصافسزجه سینه پارچالامغه قالدیشدیلر.
عثمانلیر ایسه مقدس طانیدقلری، دمه لرینک قانلر، جانلر
صاحه رق فتح ایلدیکی وطنلری اریله قولای، قولای دشمن الله
تسلیم ایتک قحبه لکنی ارتکاب ایدمزلردی. ایتدیلر؛ هم بالعکس

وطنلری، معظم ناموسلری محافظه ایچون حدوده، حربیه، او میدان
کاروزاره شتاب ایدیورلر.

قانلریله، جانلریله، ناموسلری، ناموس ملیلری، شرفلری،
شرف عسکریلری، سزک کی سفیل دشمنلرک رزیل تعرضلرندن
قورتاره جقلر! . . .

عثمانلیر قورقونه در بیلملر، حقه حرمت ایدرلر. فقط حقسزافه
اصلا، ثبوت، اصلا تحمل ایدمزلر. یاشارلرسه شانلریله، شرفلریله
یاشارلر. عکسی تقدیرده اونلرک نظرنده یرک آلتیده اوستی ده بردر.
ذلتله یاشامغه شهامتله اولمکی بیک قات ترجیح ایدرلر.

عثمان اوغوللری ظلمه نفرت ایدرلر. فقط ظالملری نهمکده
وجدانی بر حظ طویارلر. صلحه مفتوندرلر، آسایشه پرستش ایدرلر.
فقط سوکیلی وطنلری بومبالرله، چته لرله بر خرابه زار خونینه
چویرمک ایسته یلرله، ناموسلری قدر معزز، دینلری قدر مقدس
اولان وطنلرینه، بومحبوبه وجدانلرینه یان کوزله باقمق ایستین
سفیلرله باران بلا کی کله یاغدیرمقدن چکینمزلر.

بابالرینک یوردینی، آنالرینک یووانسی چیکنه مک هوسنه قاپیلا.
نلرک آیاقلری قیرمقدن احتراز ایتزلر.

حربی صاح ایچون، وطنلری تجاوز اعدادن قوربارمق ایچون
تقدیس ایدرلر. عثمانلیرک عزت نفسلری؛ شرف عسکریلری، شهامت
قومیه زری قدر عالیدر. بونی رنجیده ایتک جساترنده بولنانلرک وای
حاله!

سطوت عثمانیه ییلدیرملری دشمنلری هر حالده قهر ایدر
و ایده جکدر.

عثمانلی قهرمانلری! ییلدیرمک، مراد اولک، شانلی سلیمک
محترم اولادلری! حاضر اولکیز! بویوک پادشاهمز سزی وطنک
محافظه سینه دعوت ایدیور. خلیفه رسول الله بلاد اسلامیانک تجاوز
اعدادن قورتارلمسینی سزک حماستکردن، سزک جهاندلری تیره تن
شجاعتکردن بکله یور.

روح اقدس محمدی بالای سمدن، قرب ملاه اعلادن سزه (انا
فتحنا لک فتحاً مبیناً) مزده نصرتی تکرار تبلیغ ایدیور. ارواح
شهادت عرش معظم اطرافه طویلانش، سزک شهامت هزبرانه کزی
آلقشلامغه حاضر لایور. اجدادکیزک روحلری مزارلری باشنه
اوشوشمش، مقابر موحدینک دشمن آیاقلریله چیکنمه سینه میدان
ویرمه مسنی سزدن نیاز ایدیورلر. اسلامیت؛ مقدسات دینه نک،
معابدعالیه نک حمایه سنی سزک حماستکردن بکله یور. کعبه اللهک، مرقد
پر نور پیغمبرینک، مسجد اقصی نک محافظه قدسیتلری سزک کسکین
قیلچلریکیزه، متین بازولریکیزه مودوعدر.

آرش، ای محتشم عثمانلی دلاورلری! آرش ایلری! فوزوفلاح،
نصرت وموفقیت سزکدر. (نصر من الله وفتح قریب)